

**STATUTI
I SHOQERISE ME PERGJEGJESI TE KUFIZUAR
“LOJRA” shpk**

Sot me date 04 Gusht 2023 (dymije e njezete e tre) themeluesi :

Etmir Hoxha,, me numer personal I20901226B, dtl. 01.09.1982, lindur ne Kukes dhe banues ne Tirane, Rr.Budi ,Ndertesa 297, Njesia bashkiake nr.2,shtetas shqiptar, madhor, me zotesi jurdike dhe per te vepruar.

**Neni 1
HYRJE**

1. Shoqëria me Përgjegjësi të Kufizuar “LOJRA” shpk, krijohet mbi bazën e iniciativës së lirë dhe kapitalit themeltar të Ortakut te Vetem te Shoqerise Z. Etmir Hoxha.
2. Shoqëria me Përgjegjësi të Kufizuar “LOJRA” shpk, krijohet dhe e zhvillon veprimtarinë e saj në përputhje me të gjithë nenet e këtij statuti dhe të ligjit Nr.9901 date 14.04.2008 “Per Tregtaret dhe Shoqerite Tregtare” në fuqi të Republikës së Shqipërisë .
3. Kjo shoqëri si Shoqëri me Përgjegjësi të Kufizuar i përballon humbjet deri në kufirin e vlerës së kapitalit themeltar.

**Neni 2
OBJEKTI**


Shoqëria do të ketë objekt të veprimtarisë së saj:

Bar-Kafe dhe lojra argetuese, bilardo, ping pong, etj.

Shoqeria mund te kryej cdo aktivitet tjeter te nevojshem apo te dobishem per realizimin e qellimeve te saj.

**Neni 3
EMRI, SELIA, TERRITORI**

- 3.1 Kjo shoqëri do të quhet Shoqëria me Përgjegjësi të Kufizuar “LOJRA” shpk.
- 3.2 Shoqëria do të krijojë personalitetin e saj juridik nga data e rregistrit të saj në QKR Tiranë.



- 3.3 Shoqëria do të ketë seline e saj ne adresen:*Rruga 3 Deshmoret nr.19, Yzberisht,Njesia administrative 14, Tirane.*
Email: hoxhaa2021@gmail.com Telefon: 00355683332647

- 3.4 Shoqëria do të ushtrojë aktivitetin e saj në të gjithë territorin e Republikës së Shqipërisë

**Neni 4
KAPITALI THEMELTAR I SHOQËRISË**

- 4.1 Kapitali themeltar i shoqërisë do të jetë 100 000 (njeqind mijë) lekë, e perbere nga 1 kuot me vlerë 100 000 lek, e zoteruar e gjitha nga Z.Etmir Hoxha.
- 4.2 Kapitali themeltar i shoqërisë mund të shtohet në varësi të rezultateve dhe nevojave në përputhje me legjislacionin në fuqi.
- 4.3 Në rast zmadhimi të kapitalit themeltar me pjesë të reja, ortakët kanë të drejtën e përparësisë në nënshkrimin proporcionalisht me shumën e pjesëve të tyre.
- 4.4 Shoqëria mund të zgjedhë kapitalin e saj. Zgjedhimi i kapitalit vendoset nga Asambleja e Ortakëve.Zgjedhimi i kapitalit prek të gjithë ortakët në të njëjtën masë.
- 4.5 Të gjitha pjesët e kapitalit themeltar nënshkruhen plotësisht dhe pastaj shpërndahen ndërmjet ortakëve sipas ndarjes së mësipërme dhe depozitohen perpara fillimit te aktivitetit te shoqerise ne një llogari te hapur ne emer te shoqerise.
- 4.6 Pjesët e kapitalit themeltar janë lirisht të transferueshme ndërmjet ortakëve, në rrugë trashegimie.
- 4.7 Pjesët e kapitalit themeltar mund ti transferohen të tretëve vetëm me miratimin e shumicës së ortakëve që zoterojnë 4/5 e pjesëve dhe jo në kushte më të favorshme se ato me të cilat i janë ofruar më parë ortakëve të tjera.

**Neni 5
FONDET E SHOQËRISË**

- 5.1 Shoqëria përcakton fondet e mëposhtme : Fondin themelor (qarkullues)
- 5.2 Pjesët e kapitalit themeltar nuk mund të përfaqësohen nga letra me vlerë të tregtueshme Fondin rezerve.Fonde të tjera të cilat mund të jenë të nevojshme gjatë veprimitarisë së saj.
- 5.3 Masa e secilit fond dhe mënyra e përdorimit të secilit prej fondeve përcaktohet me vendim të ortakeve te shoqerise.



- 5.3 Masa e secilit fond dhe mënyra e përdorimit të secilit prej fondeve përcaktohet me vendim të ortakeve te shoqerise.

Neni 6

ORGANET VENDIMARRESE, MARRJA E VENDIMEVE DHE KONTROLLI I SHOQERISE, ADMINISTRIMI

- 6.1 Ortakët e shoqërisë përballojnë humjet e saj deri në kufirin e vlerës së kontributit të tyre në kapitalin themeltar.
- 6.2 Organi Vendimarres eshte Mbledhja e Asamblese se Ortakeve.
- 6.3 Çdo ortak ka të drejtë të marrë pjesë në mbledhjet dhe vendimet e Asamblesë vet ose nëpërmjet përfaqësuesit të tij dhe disponon një numër votash të barabart me pjesët e kapitalit themeltar që ai zotëron.
- 6.4 Mbledhja e Asamblesë mund të thirret nga një ose disa ortakë që zoterojnë mbi 1/10 e pjesëve të kapitalit themeltar, nga Administratoret, nga ekspertët kontabël të autorizuar, po qe se ka të tillë ose nga likujduesi.
- 6.5 Asambleja e zakonshme vendos për çështje të tilla si; emërimin ose shkarkimin e administratorëve, ekspertëve kontabël të autorizuar dhe likujduesve, miratimin e raporteve të administrimit dhe kontrollit, miratimin e llogarive vjetore dhe ndarjen e fitimit etj .
- 6.6 Asambleja e jashtzakonshme vendos për çështje të tilla si; ndryshime të Statutit, zvogëlimi i kapitalit themeltar, transferimin e kapitalit themeltar tek të tretët, zgjatjen e kohës së veprimtarisë së shoqërisë apo likujdimin e saj, shndërrimin e shoqërisë nga SH.P.K. në një formë tjetër të shoqërive tregtare.
- 6.7 Asambleja e ortakeve vendimet e veta do ti marre me shumice votash 50+1, me perjashtim kur ne ligj, kerkohet një perqindje me e larte.
- 6.8 Shoqëria do të drejtohet nga administratori i shoqerise “ **LOJRA** ” sh.p.k, Z. Etmir Hoxha per një afat 5 vjecar, me te drejte riperteritje.
- 6.9 Me pelqimin paraprak te Asamblese se Ortakeve, Administratori ka keto detyra:
- a. kryejë të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga asambleja e ortakeve;
 - b. përfaqësojë shoqërinë tregtare;
 - c. kujdeset për mbajtjen e saktë e të rregullt të dokumenteve dhe të librave kontabël të shoqërisë;
 - d. përgatisi dhe nënshkruajë bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, i paraqesin këto dokumente përpala asamblesë së përgjithshme për miratim;

- e. krijojë një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë;
- f. kryejë regjistrimet dhe dërgojnë të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit;
- g. raportojë përpara asamblesë së përgjithshme te ortakeve në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;

- 6.9.1 Administratori eshte i detyruar të thërrasi mbledhjen e ortakeve edhe ne rastet kur sipas bilancit vjetor apo raporteve të ndërmjetme financiare, rezulton ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim dhe kur shoqëria, brenda 2 viteve të para pas regjistrimit të saj, propozon të blejë nga një ortak pasuri, që kanë vlerë më të lartë se 5 për qind të aseteve të shoqërisë, që rezulton në pasqyrat e fundit financiare të certifikuara.
- 6.9.2 Administratori ka të drejte të kryeje të gjitha veprimet e administrimit të zakonshëm e të jashtëzakonshëm.
- 6.9.3 Administratori përfaqëson Shoqërinë përpara të gjitha personave fizike e juridike, publike dhe/ose private vendas apo të huaj, autoritetet shtetërore Shqiptare apo të huaja, përfshi këtu autoritetet gjyqësore të gjitha shkalleve.
- 6.9.4 Administratori ka të gjitha kompetencat për të vepruar në marrëdhënie me të tretët në emër të shoqërisë, në të gjitha rrethanat me përjashtim të kompetencave që ligji ia jep shprehimisht ortakeve te shoqerise.
- 6.9.5 Administratori angazhon shoqërinë në marrëdhëni me të tretët nëpërmjet akteve që janë në përputhje me objektin e saj.
- 6.9.6 Shoqëria nuk merr përsipër pasojat ndaj të tretëve kur ajo provon se të tretët e dinin që akti iadministratorit e kalonte objektin e shoqërisë ose kur të tretët nuk mund ta injoronin këtë akt në rrethanat e dhëna, duke patur parasysh faktin se vetëm shpallja e statutit nuk është provë e mjaftueshme.

Neni 7

KOMPETENCAT E ORTAKEVE TE SHOQERISE

- 7.1 Vendosin për ndryshimet në Statut dhe miratojne rregulloren e shoqërisë.
- 7.2 Vendosin për politikën afariste të shoqërisë dhe përcaktojne fushat konkrete të veprimtarisë së shoqërisë.

- 7.3 Shqyrtonjne bilancin vjetor, fondet e ndryshme si dhe fitimin e realizuar.
- 7.4 Vendosin për krijimin e degëve e agjensive të shoqërisë brënda dhe jashtë vendit.
- 7.5 Vendosin për marrjen e kredive si dhe për mbarimin e shoqërisë.
- 7.6 Vendosin për shëndrrimin e shoqërisë nga sh.p.k. në shoqëri të llojeve të tjëra.
- 7.7 Miratojne ose realizojne mardhëniet e shoqërisë me persona të tjerë fizikë dhe juridikë.
- 7.8 Vendosin për pagat e punonjësve të punësuar në këtë shoqëri.
- 7.9 Emërojne një ose disa ekspertë kontabël për të ushtruar kontroll mbi aktivitetin ekonomiko - financiar të shoqërisë dhe administrtaorin e shoqerise.

Neni 8

VITI FINANCIAR, LLOGARITE VJETORE, NDARJA E FITIMEVE

- 8.1 Çdo vit finansiar fillon më 1 janar dhe përfundon më 31 dhjetor.
- 8.2 Llogaritë vjetore, inventari, raportet mbi operacionet e viti finansiar dhe raportet e veçanta të hartuara nga Administratori dhe eventualisht nga eksperti kontabël i autorizuar, miratohen nga Asambleja.
- 8.3 Miratimi i bilancit vjetor bëhet brenda 31 marsit të vitit pasardhës.
- 8.4 Pas miratimit të llogarive vjetore dhe evidentimit të ekzistencës së fitimeve, Asambleja përcakton pjesën që u takon ortakëve në formën e dividenteve mbi fitimin. Fitimi, që do të ndahet ndërmjet ortakëve në përpjestim me pjesët e kapitalit, përbëhet nga fitimi i viti finansiar të cilit i janë zbritur shumat e lëna mënjanë për fondon rezervë të domosdoshëm (5% e fitimit të çdo viti deri sa ky fond të arrijë vlerën e 1/10 së kapitalit themeltar) dhe nga ana tjetër të jenë zbritur ose shtuar respektivisht humbjet apo fitimet e mbartura nga viti i mëparshëm.


Neni 9

KOHËZGJATJA E SHOQËRISË

- 9.1 Kjo shoqëri krijohet për një afat të pakufizuar.

Neni 10

MBARIMI I SHOQËRISË, LIKUJDIMI



- 10.1 Veprimtaria e shoqërisë mbaron ose mund të shpërbëhet në cdo kohë sipas vëndimeve që do të marrin ortaket e Shoqerise, vetëm në rast se veprimtaria e tyre nuk rezulton fitimprurëse, për shkak të forcave madhore si dhe për shkaqe të tjera ligjore
- 10.2 Shoqëria mund të mbarojë me anë te thithjes së saj apo bashkimit.
- 10.3 Shoqëria hyn në procesin e likujdimit që në momentin e prishjes së saj. Për kryerjen e këtij procesi Asambleja emëron një ose disa likujdues, të cilët i paraqesin asaj raportin mbi gjëndjen e aktivit dhe pasivit të saj, mbi ndjekjen e operacioneve të likuidimit dhe mbi afatin e nevojshëm të përfundimit të tyre.
- 10.4 Në fund të procesit të likujdimit Asambleja vendos mbi bilancin përfundimtar financier, mbi aktin e rregullshmërisë së punës së likujduesit dhe mbi mbylljen e procesit të likujdimit. Mbas pagimit të kreditorëve dhe shlyerjes së pjesëve të kapitalit themeltar tek kontribuesit përkates, likujduesi ndan kapitalet e imbetura ndërmjet ortakëve proporcionalisht me pjesët e tyre në kapitalin themeltar.

Neni 11 MARRDHËNIET E PUNËSIMIT

- 11.1 Çdo person i punëuar në shoqëri konsiderohet si i punëuar mbi bazën e kontratës së punës të lidhur ndërmjet tij dhe Shoqërisë me Pergjesi te Kufizuar “**LOJRA**” shpk në përputhje me legjislacionin e punës në Shqipëri.
- 11.2 Çdo person i punëuar në shoqëri është personalisht përgjegjës për kryerjen e detyrës.
- 11.3 Shoqëria merr përsipër t'i sigurojë çdo të punësuari respektimin e ligjeve e rregullave të punësimit e të sigurimeve shoqërorë.
- 11.4 Punonjësit e emëruar nuk marrin pjesë në ndarjen e fitimit nëse në kontratën e punës nuk parashikohet ndryshe.
- 11.5 Të gjithë të punësuarit në shoqëri janë të detyruar të ruajnë sekretin e punës në shoqëri. Kjo detyrë vazhdon edhe pas largimit të tyre nga kjo shoqeri

Neni 12 DISPOZITA TË FUNDIT

- 12.1 Pasuria e shoqërisë mund të sigurohet në cdo Institut te Sigurimeve të Republikës së Shqipërisë.
- 12.2 Shoqëria do të ketë vulën e saj.



- 12.3 Të gjitha mosmarrveshjet që mund të lindin gjatë ëkzistencës së shoqërisë ose gjatë periudhës së likuidimit, do të zgjidhen me mirëkuptim dhe kur mirëkuptimi nuk arrihet organi kompetent do të jetë Gjykata e Rrethit Gjyqesor Tirane.
- 12.4 Ky Statut është hartuar më, 04 Gusht 2023, në pese kopje origjinale duke patur fuqi të barabarte ligjore.

Ortaku Vetem i Shoqerise
“LOJRA” SH.P.K.

Etmir Hoxha

